

W i e s z e

TYGODNIK SPOŁECZNO-LITERACKI

Rok III

Łódź, 3 marca 1946 r.

Nr. 8 (36)

PAWEŁ KUBISZ

W I E R S Z E *)

Manifest

Z męki rosła moja siła —
Z gromów rodziły się słowa...
A noc szalała i drwiła
By móc dusić i rabować!

W płomieniach kulech zielazo —
I w szachtach targolech węgla — —
... Do świata wagony wieczóm
Do świata mój ból zaciągli!

Płacz swój zech rdzóm porosypol
Na kutym w werkach zielazie...
I tam w hawyrniach kiech szczypol
Węgla, kiere okręt wiezie.

Par... z gróni ściupane trómy
Kładóm na wozy gorole —
Wzrosóm kansi chałpy, dómy...
U nas puska, gluche polé!

I burgi cudzym budujym,
Cudzym klanfóm sie i słužym —
Tyn do nas kopnie, tyn szczuje...
Trzeba nóm rana i burzy!

Z krzyży wolałóm ramióna
Biczowanego człowieka:
Tysiacóm kozali skónać,
Tysiacóm śmierć swóm wyszczekać!

Mój kierchów jest pod Opolym,
Mój kierchów jest pod Cieszynym — —
Przy Frydku kwitnóm kākole,
Zabity kónóm w Hluczynie!

Na swoich śmieciach pachelym,
W kurz wbity pańskim bóciśnym — —
Z krzykóm duszónym mozolym,
Z grobóm codziyn i noc bliskim!

Cudzy pón wczora haratol
Na niwecz twojóm nijakóść — —
I swój pón mo piéś sękatóm...
Psiakrew, pieróna i psiakóść!

I zawsze ściyrwym i szmatóm,
I wiecznym slógóm pyszałów...
Dejcie mi czopke strzapatóm —
Wolność Stańczyka... precz z chwałóm!

Chopinie szarpnij za tony!
Kościotrup trzasko w klawisze —
Smutnej duszy dziyn skończony,
Ręka krwióm nuty w takt písze!

Płonał las cały i drzewa,
Dudniał jęk głodnym przestworzym —
Ptaki przestały dziyn spiywać,
Bóg gwizdał śmiercióm i nożem!

Hawiryz Kareł Klimsza

(fragment)

2

Drepszac ołępnie — dziyn już w noc zachodzi,
Głósy narzykań rwióm sie, szkamlóm, zgrzycóm...
Pocoś sie na świat Karle Klimszo rodził —
Z losym twym wzgardóm z dni głuchóm drętwióm?!

Chynióny ziymi przez njeznane dłónie,
Miolech iść światym aż zgasnym, dogorym!
Wczora i jutro písze w zmarszczki kóniec
Ni na noc zwykłóm — lecz wczasnym wieczorym...

W jarudze męczyń — w bagnie pomiatanio
Ucisk sie zażroł do szpiku, do kości —
Rana nie widać, blisko do skónanio...
Wmierzóny w plecy bat sie zgiył, rozprocił!

Charczy godzina, lómie lzy na jęki —
Kwęczy rozpaczóm i na wybuch puchnie
Hurma chmur czornych chce slóńce zasępić
Bunt sie wynurzo, dyszy z ludzi... gruchnie!

3

Wielki sóm szłoki zogónów
Kaj sie nóm grzbiety zginały;
Majątki grofów, barónów —
Pognojóne naszym ciałym!

Uzda nas dzierzý i wiąże,
Lopraty rządóm krokami —
Dzisko cudzy... downij książe —
Kiej rządzić bedym... my... sami?!!

Trzeba wstać budzić i wolać,
Krzywdzie porostwiyrać dwyrze —
Siednyć do swojigo stoła
Po gazdowsku i nejszyrzyj...

I buchnyć we świat murczynim,
I lokcie wygiąć w rzańięci —
Udusić w myślach zwątpiyni,
Szruby duszące rozkręcić!

4

Nie kolybejcie — nie zasnym!
Nie mówcie „umrzesz” — kiej żyjym...
Wyndzie z nocy niebo jasne
Wolność mi nagle wyrze!

Szó razy mje już zabili —
Szó razy wstanym jak mściciel
W jednej kor i odpiat chwili,
... Czaków na godzin wybici!

Z baraków pękajóm krzyki,
Czas ślapi w przyszłość pumahu —
Krakoczóm złóm wieść kuwiki,
Siła omdlywo z upalu...

Cyrpiyni wzrosło pod kose,
Dozdrzało w żniwo cinyżarym...
O wy dni nagi i bese
Z piętnym zgorzeliszcz pożaru!

Co to młody Gorol prawić, jak sie mu na śmierć niósło...

(fragment)

I.

Kolanami miésionć kopie —
W pozłocónym gwieżdzie snopie...
Dziwajóm sie gwiozdy kolym,
Śmierć sie chichrze nad padolym.

A hań idzie se od boru
Jakisi zwidzisko moru —
A hań żynie se przez pola
Przeklinano ludzko dola.

Trówy mi tam nie ciosęjcie!
Ani krzyża nie strugejcie —
Ani mi kadzidlym kadzicie,
Ani o pogrzebnie radzicie...

Tako dzisko noc straszeczno,
Potępiynczo, ostaleczno —
Charczy mi już krew po krtani,
Idzie do mje umyraní!

Nie wóm herbowól nie bedym —
Jyny smutek, jyny biydym —
Jyny nasze pomiatani,
Jyny to żywe kónani!

Jyny to pluci nóm w gęby
Od każdego i zewszedy!
I tóm boleść niemówiónóm,
W dusze, w serce wkorzyniónóm.

Chucho wíater od Goduli,
Jakby sie zbuńnicy suli —
Jakby kamiynie leciały,
Z jakisij wysokiij skały.

A to jyny wíater chucho —
Tak jakosi strasznie glucho,
Z takim lękyim i lamęntym
Jakby krzycoł —: „Boże święty!”

Tam pod lasym na buczynie
Kąsek świata we mgle plynie —
Tamżech posól sztyry krowy,
Synek mały i niezdrowy.

Tamżech se pieśniczki spiywol,
Na píszełce se wygrywol —
Cturlikaly mi zwóneczki,
Co nosily ich króweczki...

A kiej jesiyń sie kapala
W pafęczynie — mrozym slala;
To jo boso, krowy posól
I zębami z zimy ciosól.

Puchly z mrozu mi palczyska,
A na nodze dwa wrzodziska
Taki sine i czyrwióne —
Pęcnialy mrozym nabrnióne.

„Emigranci”

Tam na ślasku sóm szachciska,
Sóm kopalnie, kretowiska —
Nasz naród ich wybudowól,
Mozól... żywoť, tam pochowól!

Tam hawiryze węgla kopióm,
Dynamłtym ściany dropióm...
— Polsko krew na węgłach siedzi
... Czyjsi głos z trówy zabiydzil!

I lod żywca — lod Wieliczki,
Przyszy Bartki, przyszy Wicki...
Przyszy, doszy ku Karwinie;
Tyrać ręce w szachtach... w drzynie!

Napytali ich pacholki,
Ci agynci, te Micholki,
Łod tych grofów i barónów —
Do roboty do zogónów!

Do kopalni w kretowiska
Trzeja było hawiryzyska!
Ślask nie starczył w tela ludzi,
Trzeba sie to inszych trudzić!

Przyszy Maćki, przyszy Bartki
Jedyn tysiąc, drugi wartki —
Ku tym szachtóm se ich ściagli,
Kopać lacno — panóm węgla!

Niechali ich mówić „cóz” —
Niechali ich mówić „juści” —
Bartek sie ze ślaskym zrós,
Maciek-Moraw nie popuści...

*) Wiersze te wyjęte są z tomu p. t. „Przednówek”, który ukaże się wkrótce nakładem Oddziału Wiejskiego Związku Zawodowego Literatów Polskich.

